



00225

屏山全集卷第十四

宋文靖公劉子彙著

詩

題大義泉

移筇山未深切骨寒無那蜿蜒瘦蒼虬脚底飛騰
過幽亭護石池庭口不敢浣虛中涵月淨冷面從
雲呵去欲搥玄壁試恐觸方諸破平生泉石癡屢
此箕踞坐重來照清癯白髮添箇箇凡心未痛浣
老氣日以情緬懷大義風絕唱寧無和悚然聽琮
屏山全集 卷十四 一

秋柯草堂藏書

琤耳觀為之大

同范智聞五月十四日夜賞月

微風淨郊原暮色含清夏層巔月欲上烟烟木葉
罇豐姿一髮鬪爽氣千毫射派光不著地黃扶溪
西舍翩然釋嶠飛雲浪鱗鱗化常恐螺髻青失此
驪珠挂借竒觀天所吝老眼得屢借不嫌神太清
踈立高梧下故人肯留連一咲偶良夜濁醪勿虛
杯庭縞醉可藉

向元伯寄蕪香陶爐有心清閨妙之語

翻江細壤如凝脂陶成小爐圓淨姿色含三秋玉
沉澆韻壓六尺金狻猊明窓澹澹浮薰起故人警
余良有以心清聞妙遊無方萬石只在吾家傍

居萬石鎮

感白髮

兒時坐澗石散髮如浮烟風驚綠鬢髻意欲凌飛
仙那知二尾見倏忽到老邊蒙紗猶鏟彩獵鬢強
呈鮮星星儻未已遂恐華吾顛騎省歎遇合郎潛
感速邇萬古寄一轍長歌悲昔賢流光不假借志
屏山全集 卷十四 二

秋柯莫堂藏書

抱何由宣餘齡事可知已矣寧非天窮通各有口
憔悴孰使然淒其槁梧畔惕若明鏡前靈膏詎能
涅媮拂事可憐惟應幽室處一猛放萬緣嘗聞衛
生要心白髮自玄

同吳居安入開善四首

遊松菴

虛廊附山翔泉聲小菴閉齋餘姿行遨剝啄忻屢
至午陰遇蘭芳夕照坐松吹徜徉無所為聊盡今

日意

宿省軒

夜空合一寂擾擾息萬勞幽懷耿不寐孤燈側殘
膏稍知山雨來聲在橫林高淒然卻成夢夢泛秋
江濤

過報德菴

循溪踏危磴路入篔簹塢森森翠櫺間一幹橫清
雨茶烟日月靜石壁軒扉古盡茲北山旁小勝無
遺取

出山

屏山全集

卷十四

三

秋柯堂藏書
秋柯堂藏書

日日冬氣昏霜風不鏹回回輿始見山數點寒中
現我行得勝文咲語生華絢如何劍峰南咫尺不
常見

次韻茂元獨速歌

大兒行文學蘓黃暗潮無聲走茫茫小兒分題擬
甫白手扶藁願取冰魄自成機杼誰如君悲歌乃
有可憐色曉來春歸薺葉新青女催之良不仁那
知妙齡氣如許一睨辟易驚千人我亦歸為村衰
翁接花成條歌屋紅跣行肯追蹠躩步杯飲不羨

琉璃鐘相逢他事不發語醉面徹日承谿風君不見
豐碑模糊立峴首又不見總帷虛斟百眉侑何
如吾儕見在身有口猶堪著醇酎陶陶兀兀未全
非赫赫炎炎豈長有硯峰絕頂撫孤松伊誰及此
蒼髯壽

張巨山賦蠟梅因成四首

取名慕橫枝要自同風格雖微調鼎味宛有金弦
色

渾疑蠟作花貌野中抱幽冷香不盈階意畫仍一
屏山全集

卷十四

四

秋柯荳蔻藏書

流
尖萼破微霜明屋透清曦不有朱紫繁那知中色
尊

今日尋此梅危行石澗東花神欲宣令萬鐸懸春
風

和李似之秉燭觀梅詩

凍色沈萬象晴巔露皚皚通宵月觀夢夢破東風
來小立值芳氣微尋見寒胚我病亦呼客沙邊又
徘徊恍然驚老眼一枝印清杯應知塵意盡故向

癯儒閑謫仙愛逃禪茲心政難灰覘新不待晨燒
燭寒巖隈草木有含章發揮要天才賴公管領春
筆端起潛雷

行夫寄黃山樵子有詩因同來韻

老坡文中哮鬪聲凜凜常如對英峙琅然諷詠興
凌雲矐若追攀顛流泚玉山妙唱又寂寥可以言
詩有之子裁牋遠餉風露新坐我千尺黃山底初
授玄敎出冰霜小嚼清香泛窗凡已輕魏帝昵蒲
桃肯許唐賢魁綠李極知人口無正味苦淡甘酸

屏山全集

卷十四 五

秋柯草山藏書

各矜美不輕真識為品題此物初筵幾入青菁
有用拔蒿菜白粲無耐腐糠粃士懷瓌璋勿自神
邂逅飛沈同一理子才超矣會嘩然外澤中真期
是以味果固已驅煩邪味道更須淪骨髓

劉道祖江程萬邱順甫講易孟子拾其意為

二十韻

吾初讀七篇未領躍如義晚而窺大易稍解寂然
意乃知平放著的目前事盡心則無餘窮神忽
超詣以斯印群書拈出句句是君臣父子間運量

周旋際體之則光明雜物了無累偉哉此陳編孔
孟心所寄有如撞洪鍾合響入迢遞言高聽者瞶
不絕僅如綴幸茲良友集一發萬古秘真長富辭
原百折無留勢文通秉文均裁度取中制死坐
忘言袖手豈深閉鄙懷頓為空快若掃長簣旁觀
二子耳剽咸愕眙誘之循循然活處潑潑地氣
質雖有拘學問欲如蛻時乎不再來過此恐少味
大書鏡坐隅以起衰惰氣

韓幹畫馬闕四足龍眠榻而全之

屏山全集

卷十四

六

秋柯草堂藏書

吾聞兩臂天下重馬失四蹄將底用平生想作萬
里遊對此惟心惻然動得非曾落駑駘群蹠泥
塗良已勤又疑逸氣厭拘係絕蟠徑欲超浮雲諦
觀事乃不爾劇破練丹青老無色軒昂自有尊足
存鶴觀一株陰山碧韓生筆法妙此圖龍眠榻出
了不殊斲鼇自昔徒聞說續鳧雖工計已疎何如
染作滄江遠明滅要看追風蹴微雪

次明仲石字韻詩

類宮德厚仍信石北扉筆力談咲扛重圭疊壁凜

群視不使東甌成陋邦日邊時見召仙李林下那
容棲老龐故園此日成勝聚歸夢不泛瀟湘江萬
畦流泉裏雲屋一點遠岫低吟窗客來有酒輒均
醉長嘯手拊高梧幢挽疏唯便玉□脆碎鯉屢惜
銀鉞雙伊予於世真長物掃迹自分逃崆峒驟掄
揚之則過矣豈有骨相當竒龐左提右挈儻聞道
□了快若船下瀧極知魯衛兄弟國邾小尚許趨
風降堯堯岌岌正壁立濤瀨未敢輕舂撞

寄致明兼簡余時升

羣山全集

卷十四

七

秋柯草堂藏書

負簞有利材要自為本觀綠虬挾春怒穴土氣已
完達士審所施窮士審所安癯劉燭人鏡偽態了
莫干常吹噓二余傳以摩雲翰大余携書來一見
意已殫似為殊勝搔胸中滾濤瀾皴膚禡厚襲枵
腹拾衆殘那知藝圃遊宇宙自爾寬黃閒跳鏃易
省括眼要端辛公調護之無使困所難鳥峰橫几
上晚翠深作寒徜徉有真樂未應悔儒冠

次韻明仲畦字韻詩

祝融散仙在西溪□□平生無町畦一日不見十

日恨綠稻渺渺香幽□細□時澆壘塊胸跌行咲
逆冷然風意消萬事如燎髮小醉扶頭須半月叩
梧林谷為呼號隱几乾坤有超越自憐頑鈍不可
鞭挽之欲置名流邊長言為我澡祥暑灑目萬綫
琮瑋懸

入白水懷士特溫其

曉山隨意開夏氣含露澄扶筇過巖嶮飛仙亦凌
兢松濤淨可漱嵐烟起如蒸巨嶂轉昂昂危膝上
屬層悠然瞻眺地髮髯記昔曾是鄉雖窮深泥泥

孫山全集

卷十四

八

秋柯草堂藏書

秀色凝高廓靜相對招邀足嘉朋讌席夜大斗吟
窗燼華燈于今安在哉骨冷喚不鷹軒軒鸞鳳遊
驚颺失飛騰豈伊黃壤恨興言鯁煩膺含章不震
輝憔悴非所應雖微三字顯要許二豪稱余衰息
好脩故態了不懲倏爾念離索終焉愧瓌能噫嘻
長風來躊躇素蟾升及時痛自策迅彩不可憑

胡明仲潭溪三日飲

潭溪梧竹堆無地浮高蔭暑中猶未佳袒膊腑清
深急雨翳幽芬空山落啼鴛村醪得舊燒時果出

寒枕醺然三日醉是鄉絕呵禁巖風故吹醒偷逸
嫌太甚人生惟一真擾擾萬緣滲斯遊不屢尋老
境恐遂寔窺樽有餘波捫腹猶可飲澹蟾如曉色
渺渺長空浸常夏景過清浮雲忽飛譖酣歌金石
號慷慨君獨任俾予酬對之祇作寒蟬噤吾惟善
吟臺忘形卧相忱

有懷

溪石磊磊出溪光失溶溶呼童理新堰小駐萬折
東素杙競駢立蒼皮堆已重誰裁一道天忽隨顧

屏山全集

卷十四 九

秋柯草堂藏書

眇中遠淥送鳧驚餘茲上杉松微波且勿搖照我
澹有容炎曦為變色爽氣排高空懷哉所親愛此
適未遽同徜徉孰為伴惟有溪頭風時來翻素書
頗似驚我慵騷騷復策策涉獵味正儂久而寂無
聲無乃意自馳卻泛碧滄浪鱗鱗散遺縱我亦隱
几酣那能辨此唯雄

早飲

柴口百枝蔭方塘高梧老柳著兩行輕烟曳組適
寒碧美藻釀出秋風香宿醒縈胸殊未快衝之欲

引天潢派戲投小餌向深淵錦鱗忽見空中挂
清鱸雪更作豪坐客狼狽已半逃嗚嗚叢歌猶未
徹兀睡聽作蝸蟬號

次致明泉石軒詩韻

天懷迥與塵囂背蓬萊屢踏金鰲背閑披白袷過
清湖爽氣涵空渺無外澹然愛此一泓奇散髮逍
遙漱華滋尚嫌林影太凋薄斜陽射破碧琉璃遙
知宣室虛前席良裘固非一狐腋他時歸夢想南
飛環詞已為磨崖石

松山全集

卷十四

十

何草堂藏書

借致明玉槌事藥復以小者易去而銘之
潤色瑳癯身脩飛石塵供藥裏以小代大無不可
汝雖眇乎寔磊砢摩頂至踵輔衰我彼方歸卧留
莫果魁梧之才用則左嘯然長歎口侈哆

寄魏元履

世情事虛文十幅了一書片言倒肺腑子獨不佞
予班班眼中秀學膽誰似渠平生幾兩屨踏破牛
斗墟小言謁侯門大言叫天都歸來闢存室默坐
追亡逋牀頭著韋編盤礴萬古初時拈紙上語破

的妙有餘已甘耐對難舌本噤不舒矧予在半流
所見方模糊蛄涎不自潤詎敢相濡濡人生強多
知於已固已踈曉邊遺太極意上町六虛猗猿繫
尚跳况乃拊檻呼是神非吾神滓穢政可奴嘗聞
不遠復佩作三字符煌煌杏壇春一枝明清湖蜂
蝶未全知佳處不自孤惟子先著眼時來採芳腴
何當共叩微歸性有順塗

新涼

新涼為招客勝集非預圖前峰雨未散冷風遠吾

休山公集

卷十四

十一

秋柯草堂藏書

廬披襟沐清駛合席隨露濡定知喧謔口飲此
快無興來擴以酒草具來須更田翁偶過我添杯
坐其隅為言秋暑劇稻畦日凋疎寧辭抱甕勞僅
給園中蔬喜茲甘澍足普潤無遺壩遙山莽難分
綠浪搖虛徐我病不任耕歲収仰微租蒙成每有
愧一飽便有餘連觴使之醕醉語雜叫呼野人無
他腸我輩恐不如

吳傳朋遊絲帖歌

園清無瑕二三月時見遊絲轉空闊誰人寫此一

段奇著紙春風吹不脫紛紛糾結疑非書安得龍
蛇如許癯神蹤政喜縈不斷老眼只愁看若無定
知苗裔出飛白古人妙處君潛得勿輕漠漠一縷
原本闕四十行

一吐胸中豪與此氤氲角馳驚可憐南山玄豹姿
終以班班作身誤何如霧隱長暗然豈用毛采夸
天嫖霑濡稻壟更潛珠聯絡公尚尚橫素南箕忽
哆遂雄吞顧眄恍若南柯寤向來昧昧六合間日
月山河但如故世緣所遇孰非虛不具真良力能
廩山全集 卷十四 十二

觀醯雞鷲裏有全癡陷虎機中惟一悟我雖不獲
從斯遊兀坐深觀亦同趣况知陶令有名酒未覺
許詢無勝負便思追逐胡公墩恐激長言又生怖
願低筆力許我陪韓孟才懸亦聯句

觀胡文定公手墨因求別本

温温文定公至道夙所欽神超雖緬邈餘英壯儒
林正容閱真翰默默流至音不事八法奇天成寫
幽襟有如瀚海鴻隨波自浮沉又如大虛雲舒卷
杳莫尋乃知晉魏還筆端有哇淫弃藁競韜藏非

將玩球琳庶幾字畫間可以求其心清伊一派流
匯作萬丈深溝渠有暴盈洄忽時見侵投膠了不
難公以獨力任我慚步趨晚悠然寄孤吟流風在
目前着鞭要駸駸願分墨本餘刻之蒼崖陰大塊
有動搖斯文無古今

公帖云世間一切如流水浮雲所遇者化不足留胸中

寒中偶書

寒從何處來凜色照閩楚挹之霜松下清淡不成
雨叢生小病一咲窺寰宇天轉隱江湖吾心正
如許

春山全集

卷十四 十三

次柯草堂戲書

弇山病中追賦遊武夷

李鶴養著

建水日夜淺清難自迢迢漁舫愕已無忽默淨練
遙老身寄其上兀若棲危若松風知我狂隨舡助
傾搖探幽神益新得快意自消長林翠洞口微雲
粉山腰那知碧虛遠一葦卧可超不須換吾骸吾
慵登岩堯病中追餘觀所得絕富饒

病中賞梅贈元晦老友

梅邊無與談賴有之子至荒寒一點香足以酬天
地天地亦無心受之自人意韜白任新和風味要

如此

次韻致明聽琴病中作

病翁不咄咄琅然寄枯琴倘無枯琴寄孰表吾之
心形忘豈知病道在寧復今龍蟠老樟下感發搖
長音

屏山全集卷第十四終

屏山全集

卷十四

十四

文
李鴻儀書

嚴重按
秋柯草堂藏書

屏山全集卷第十五

宋文靖公劉子翬著

詩

過鄴中

逐鹿營營一夢驚
事隨流水去無聲
黃沙日傍荒臺落
綠樹人穿廢苑行
遺恨分香憐晚節
勝遊飛蓋想高情
我來不暇論興廢
一點西山入眼明

金陵懷古

屏山全集

卷十五

秋阿草堂藏書

昔奔奔蔽荆榛
虎踞龍蟠迹已陳
赤壁戰爭江照晚
青樓歌舞鳥鳴春
千年王氣雄圖盡
一疊寒笳客恨新
折屐風流猶可想
只今高卧豈無人

會兵

羽檄西來趣會兵
秋風胡虜更縱橫
烽明石嶺塞垣迥
馬渡分河波浪生
使者謾傳蘇武節
君王頻幸亞夫營
百年信誓明如日
何事紛紛起戰爭

別安子允

得酒猶堪慰倦遊
長亭直為故人留
烟塵幾處兵

猶鬥風雨一年春又休尚記虎頭初擲筆終憐猿
臂未封侯離歌唱落榆關一作邊城月可是君心耐得
愁

望楚

客浦舟凝滯凭高識楚鄉有愁關眺覽何地不淒
涼草木詞人怨江山霸主亡悠然獨搔首暮靄一
星光

井泉

石井水颺濺寒莎映碧蘚雨聲添溜急天影入波

屏山全集

卷十五 二

秋柯草堂藏書

圓曉汲連山寺春耕沮野田杖藜三豨能毛髮更
蕭然

巖桂

涼颼振遠村寂寞度清芬山路不知處月窗時夜
聞孤根寒抱石落子半飄雲袖手空延佇無才不
賦君

園蔬十詠

茭白

秋風吹折碧削玉如芳根應傍鵝池發中懷灑墨

痕

芋

分得蹲鴟種連根占地腴曉吹黏玉糝深椀啖模
糊

莖

肉食嘲三九終憐氣韻清一畦春雨足翠髮剪還
生

瓠

既金熟輪囷香清味仍美一線解瓊瑤中有家人
鼻山全集

卷十五

三

秋柯草堂藏書

茵

芥

葉實抱芳辛氣烈消煩滯登俎效微勞乍食驚頻
嚏

菘

周郎愛晚菘對客蒙稱賞今晨喜薦新小嚼冰霜
響

波菱

金鏹因形製臨畦發永嘆時危思擷佩楚客莫紉

蘭

子薑

新芽肌理膩映日淨如空恰似勻妝指柔尖帶淺紅

蘿蔔

密壤深根蒂風霜已飽經如何純白質近蒂染微青

苦益

雖無適口味暖益功稀比菜苦不登盤言忠多逆

屏山全集 卷十五 四

秋柯草堂藏書

耳

次韻盧贊元喜雪

六花初逐曉風繁五袴那憂歲晚寒杖屨客迷村
徑遠笙歌人在小樓看也知近郭梅將動只恐行
春路未乾授簡梁園休惜醉銀臺列燭妓圍寬

府會次士特韻

夜宴芙蓉苑華衰燭影光使君頻會客侍女慣新
妝劇飲不勝醉論詩非所長倚欄霄漢近宮殿鬱

相望

次韻士特贈別

客舍愁分袂梅花小雪前夜看牛渚月春別剡溪
船麗句光行色悲歌慘別筵後期相約處雙闕五
雲天

訪士特舉和六四叔詩因次韻

聞道歸舟泊淺沙籃輿出郭日初斜新傳賦詠來
梁苑舊識芝蘭向謝家遣興只憑樽有酒感時愁
見樹飛花相逢未款還相別回首長亭鬢欲華

分韻題古松得青字

屏山全集

卷十五 五

秋柯草堂藏書

風韻颼颼遠更清蒼鬢瘦甲聳亭亭連根欲鬥蠟
鬚力一蓋常涵雨露青曾映月明留鶴宿近經雷
霹帶龍腥衰殘愧我無仙骨願採流膏慰暮齡

六言二首

鼎食鼎烹謀拙出南山北興長片夢彭殤壽夭一
枰漢楚興亡

黃卷篋中昆友白醪杯裏聖賢我願長閑足矣人
憐獨處蕭然

池蓮四詠分韻

葉

郁烈香浮雨團欒綠蔭波近堤千葉亂知有畫船
過

花

零
孤紅低映岸併艷遠連汀露浥層層展風披葉葉

藕

輕
密蘊羅文細明含玉色清冰盤時薦美刀惹斷絲

屏山全集

卷十五 六

秋柯草堂藏書

子

偏
分房圓戢戢弄色翠娟娟摘實憐空葯方知雨露

雨歇

雨歇長虹淡欲收踈踈寒靄暮依樓西風滿院催
搖落已覺梧桐不耐秋

原本闕二十行

江上潮來浪薄天隔江寒樹晚生烟北風三日無
人渡寂寞沙頭一簇船

送曾彥思減罷赴闕

馬首成南渡西風木葉踈去程烟雨外孤館別離
初未試平戎策空懷逐客書漢皇方問賦誰復薦
相如

過楚懷王廟

割據銷殘運并吞息戰塵遺民猶憫楚三戶欲亡
秦念昔懷王立潛圖霸業新降顏欣接士薄伐屢
窺鄰慷慨心何壯難難勢未伸干戈憐暴骨玉帛
更和親末路人多詐輕謀禍及身單車行凜慄伏

屏山全集

卷十五

七

秋柯草堂藏書

甲變逡巡鹿走章臺下龍沈渭水濱素棺歸慘淡
故老恨酸辛歲月今何在興亡迹已陳愁陰生古
廟翠蔓鎖重闈有客投清酌臨江憶放臣聽讒雖
主惑多難亦時屯憤氣摩星斗哀詞動鬼神飄零
瓊玉佩寂寞蕙蘭春毀譽千年定窮通一死均招
魂嗟已失抱石想漂淪戀戀空回首行行欲問津
潜然憂國淚今古獨醒人

雙廟

無復連雲戰鼓悲英風凜凜在雙祠氣吞驕虜方

張日恨蒲孤城欲破時幽鳥自啼簷際樹夕陽空
照路傍碑平生不作脂韋意倚棹哀吟兩鬢絲

一樹

枝
一樹梅開早清香襲客衣夕陽蕭鼓散半是折殘

偶步

僧
偶步忘歸遠心閑逸興增山深知有寺路盡不逢

離居

屏山全集

卷十五 八

秋柯草堂藏書

馬嘶何隴暮有意念離居去路經秋雨行裝一擔
書窮知身計拙病覺世緣踈枕殘歸夢翻然憶
舊廬

有感

抱石親征澤潞時艱難猶想舊開基官軍不守河
陽渡回首橋山淚欲垂

程嬰墓

停車莽蒼認孤墳烈烈英標尚想存已脫遺孤安
趙氏更輕一死報公孫荒林雀噪風常急古道人

稀日自昏惆悵九原如可作欲憑楚些為招魂

晚宿

石瀨分流小霜林間樹紅暮橋橫隱約寒鍛響于東

畫船

隱約菱歌斷斜陽水面移美人貪照影不覺畫船歌

宮亭湖

近湖黯黯氣常寒指點宮亭渺莽間素色夜浮金

屏山全集

卷十五 九

秋柯草堂藏書

楚月綵光春浸十州山醉思天末騎鯨去老怯峰頭聽雁還柔櫓聲中知禹烈愧無椽筆畫屏顏

安仁道中

汨汨復汨汨着鞭雞一號老身緣底急長路只徒勞石亂春谿惡山深曉月高村沽得微醉猶足張餘豪

余縻
西酌

顛風急雨退花晨翠葉銀苞照眼新高架攀緣雖得地長條盤屈拗由人橫釵素朶開猶小撲酒餘

香韻絕倫唯有金沙顏色好年年相伴殿前春

夜坐

客裏驚秋晚慵眠但曲肱夜闌深院雨人過隔墻
燈遠思千端惡寒威一倍增夢孤渾易破哀折故
登登

靖康改元四十韻

肉食閑邊覺天驕負漢恩陰謀招叛將喋血犯中
原飲馬江河竭鳴笳宇宙喧氛埃纏帝座楔獮吠
宮垣鼓銳梯飛壁彎强矢及門黔黎驚瓦解冠盖

屏山全集

卷十五

十

秋柯草堂藏書

盡星奔走轍秦城地浮航楚峽村畫堂空鎖鑰樂
府散嬋媛夜詔聞傳壘春王已改元三辰光盡匿
四海浪橫翻伏閣惟群彥興邦在一言雉城期必
守虎旅更增屯龍困雖憂蟻牛羸尚覆豚謀成擒
頡利義可絕烏孫堅壁師弥老窮兵火自燔鈎魚
猶假息幕燕輶游魂怨歎情先露誅鉅黨寔繁橫
磨非嗜殺下策且和番割地煩專使要盟脅至尊
賜弓垂拱殿留宴玉津園回騎桑乾北游軍廣武
源驅馳無立草剖劉露空墳太子悲秦粟明妃泣

漢軒敵情終未測鄰好久宜敦晉趙封疆遠金湯
阻固存短衣求李廣長嘯得劉琨御極朝儀臆
傳詔語溫神霄分別仗法駕引雙轅內柳東風軟
宮花麗日暄閭多喜氣簫鼓送芳樽運契天同
力時危禍有根覆車宜自戒曲突更深論落拓江
南士飄零塞北藩蚤嘗傳翰墨晚壓屬橐韉拔劍
思摩壘懷書擬叩關蹉跎謀不遂感激氣潛吞野
迥寒烽照樓高暮雨昏望鄉心恍惘憂國涕潺湲
仄席勤諮訪垂紳樂引援鵷鸞方競集短翼待騰
屏山全集 卷十五 十一

秋柯草堂藏書

騫

春雨

暝色春朝雨滋榮喜及時雲昏遙莫辨地渴久方
知柳岸游車歇濤江釣舸移拒寒須把酒病骨况
支離

瀑布

路窮巖瀑挂爽氣淨塵紛溜險時依壁源高半隔
雲入池驚練盡觸石聽雷分接勝多幽侶筇聲破

蘇紋

海棠花

幽姿淑態弄春晴
梅借風流柳借輕
種直教圍野水
半開長是近清明
幾經夜雨香猶在
染盡胭脂畫不成
詩老無心為題拂
至今惆悵似含情

策杖

策杖農家去蕭條
絕四鄰空田依壠峻
斷縵布窠勻地薄
惟供稅年豐尚苦貧
平生飽官粟愧尔力
耕人

送杜季習四首

屏山全集

卷十五

十二

秋柯草堂藏書

結廬空谷抱沈憂
底事軒車肯為留
千里問塗良獨苦
似君須向古人求
聞道華亭已解圍
親朋消息未全知
君歸為遣書來報
細說從初喪亂時

寂寂家園草覆堦
亂兵飛箭入樓臺
丁寧莫斫湖邊柳
盡是劉郎手自栽

搖落難堪更語離
曉風吹月上征衣
送君直到長亭去
隻影愁尋舊路歸

劉處士墳山禮亭

風馬雲車悵莫尋祠亭空鎖古原陰
豆觴三獻禮經事霜露四時人
子心世盡浮雲同渺渺名高拱
木共森森平生積善身徒老賴
有家兒敵萬金

喜誅大將

自提烏合衆南北久跳梁避事幾危國
專權擬僭王然臍誅未快擢髮罪難詳
膏血汙砧斧何曾在洒戰場如

疊嶂

益遣歸心快愁霖喜乍晴樹陰迎馬合
波影照人

屏山全集

卷十五

十三

秋柯草堂藏書

清不見雲山路時聞樵斧聲暮雲偏有意相伴隔
溪行

梅花

玉骨綃裳韻大孤天教飛雪伴清癯林寒踈藥半
開落野迥暗香疑有無庾嶺風光仍似舊漢宮鉛
粉莫相汙驚心不必臨空樹一白流空春便徂作

詩情向汝知難妙
準擬相酌但酒壺

和李巽伯

浦樹冥茫處雲山淺淡中客愁生遠望春意入晴

空酒憶相如病途憐阮籍窮慙勤桃葉句欲和愧
難工

野步

野步忘歸遠春心不自休管弦非老伴風雨定花
讎柳暗深深路溪寒小小樓謝娘歌白紵此意可
忘憂

李伯時畫千古圖鄭尚明作詩詩辭多振絕
因為同賦

王猛捫蝨

屏山全集

卷十五

十四

秋柯草堂藏書

劇談世事灞河濱奇骨環姿兩絕倫卻訝秦無冢
傑至坐中捫蝨是何人

高陽長揖

胡牀二女執巾裾長揖高陽舊酒徒不是蒼皇罷
輟洗溺冠何異昔坑儒

霍光取璽

此郎守節固堪論漢璽飄飄亦僅存周勃取將迎
代邸霍光持去授皇孫

馮媛當熊

婕妤下輦辭榮日馮媛當熊效死時帶礪稱忠惟一傳宮闈著節有雙姬

李密逐太宗

海內群雄逐鹿時虬髯一見識英姿牖窺已嘆尚書婦野拜仍驚柱國兒

明妃出塞

羞貌丹青門麗顏為君一咲靜天山西京自有麒麟閣畫向功臣衛霍間

張釋之諫文帝

屏山全集

卷十五

十五

秋柯草堂藏書

擾擾椎埋偏九原南山獨有霍陵存孝文儉德雖天縱亦賴忠臣效一言

醉山簡

倒載山公豈酒狂群兒拍手峴山旁汗青等是虛名耳不把雲臺換酒鄉

武帝問日磧

漢朝人物盡英奇武帝招延盛一時拒諫不能容汲直託孤何至用胡兒

明皇覽鏡妃子剪髮

不復青銅照瘁顏
菴荒從諫若移山
只將女子論賢否
陶母當時亦翦髮

送原仲之荆南

風急塵埃滿漢關
送君行處路漫漫
不知爭戰幾時定
常恐別離相見難
三徑舊遊松竹老
五湖新隱水雲寬
交朋日覺知音少
綵綺從今莫浪彈

和士特南浦詩

羽檄分兵控上流
時傳烽火過鄰州
樓船半渡旌旗曉
胡馬欲來漢秋淝
水投鞭真浪語
幄中借箸有奇謀
吾儒口有康時意
不把詩輕萬戶侯

屏山全集

卷十五

十六

秋柯草堂藏書

屏山全集卷第十五終

文晟重校
李鴻儀書刻

屏山全集卷第十六

宋文靖公劉子翬著

詩

景陽鐘二首

景陽鐘動曉寒清
度柳穿花隱隱聲
三十六宮梳洗罷
却吹殘燭待天明

一刃殘月淡觚稜
遙望林梢曉色升
寂寞小簾風露冷
玉盆脂水已生冰

春夜二首

屏山全集

卷十六

一

秋柯草堂藏書

葉葉風鳴幕梢梢
雨打窗烟銷寒寶鴨
膏淺側銀

金工

樓迥星河轉宵殘
鼓角催重門和月鎖
寒夢遶花

賦雙溪閣用蔡君謨詩聲字韻

雄觀今古快幽情
突兀層樓出市甍
二水交流何處盡
孤舟不見亂山橫
丹鑪寂寞仙遊遠
劍氣蕭條客恨盈
向晚移樽話流落
可堪時聽鼓鼙聲

泊舟

莽莽荒茨岸，回回亂石灘。
雨寒收市早，風急泊舟難。
寓縣兵猶鬥，乾坤網正寬。
慙慙囑龍劍，莫又卧波瀾。

劍潭贈李似表

夜窗把酒對鵝峰，分手悠悠各轉蓬。
艤棹相逢烟浪際，有家皆在亂離中。
胡兒久占清河地，壯士誰收赤壁功。
它日着鞭先後耳，飄零不用嘆途窮。

舟中寄似表

溪流元自急，積雨更兼旬。
曲渚方移棹，高城忽背

屏山全集

卷十六

三

秋桐草堂藏書

人艱難，爭避地去住不由身。
客食憐詩李，相期一問津。

次韻張守同往華巖

淺水荷花開，傍橋晚鐘樓。
殿碧山林松，遠路行不徹。
野鳥避人飛，更遙喜有高情共。
丘壑應須長嘯，混漁樵老僧好事能。
延客未覺山房苦寂寥。

出郭詩呈張守

出郭籃輿載酒隨，林邊蕭寺趁幽期。
雲依石渡遙看久，路遶田分欲去疑。
落日悲風滄海外，黃花翠

竹晚秋時憑詩一寫登臨勝為報壺山太守知

次韻張守壺山詩

松根繫馬望巔峴乘興攀躋不作難日出漸看林
霧散潮來先覺海風寒遙連釣石多紅樹半出僧
垣盡綠竿不見雙旌來視稼憶君對酒豈能懽

次韻方學士萬卷樓

淵然推量德為循酷愛收書定可人劉向討論稱
好古退之學問美藏身箕裘有子能傳業俎豆于
今嘆不辰我亦平生譏傳癖可憐朱墨費精神

屏山全集

卷十六

三

次韻吳教授題子應山齋

芒鞋竹杖日隨身所向逍遙樂任真強健挂冠非
矯俗榮華得路轉迷人愛山兀兀常心醉與世悠
悠只貌親最晚論文欣得子一樽猶足慰漂淪

張守唱和紅字韻詩八首

午枕回清夢疎林逗遠風茶甌烹葉白果釘剝方
紅小壘常稀訟鄰邦近息戎民謠知善政飲助亦
何功

一卮那惜醉引劍坐生風怒髮冠衝綠憂顏鏡損

紅莫輕秦黷武舊恥漢和戎慷慨今賢守燕然擬
勒功

漂流今海角胡騎忽秋風舊隱懷空翠征途厭軟
紅時平猶倦仕力小况從戎欲遣愁城破須論酒
子功

燦爛燕公筆飄然邁祖風高吟時舉白戲語或題
紅訝敏文翻水誇嚴律比戎詩壇如第將蘇李謝
前功

海市從蕭索杯盤樂土風郡樓山向背村塢樹青

屏山全集

卷十六 四

秋柯草堂藏書

紅玉塵嗤夷甫牙籌陋阿戎王侯直夢耳穴蠹更
論功

微吟時擁鼻瀟洒晉人風客至添樽綠官閑省印
紅易徂嗟歲月迭感嘆華戎願草渚溪頌中興旦
暮功

斷虹明晚井烟靄半隨風岸柳霜泫綠庭榴日倚
紅酒酣腸有海棊戰手興戎賡唱逢勅敵方知比
興功

濟難資長策常懷國士風秦強因將白魯弱更蒐

紅嘆已孤懷，憤憂時詠小戎儒。冠須勿溺，邂逅亦成功。

次韻張守述懷

避地漂流更海隅，一身難料豈知餘。晚樓獨上非吾里，幾日西來絕羽書。虜未息兵由運數，力難康世昧孤虛。郡侯愷悌憂民切，魯史無因諷矢魚。

同張守謁蔡子強觀硯論琴偶書

共造中郎室，明窗玩好奇。硯珍鑄子石，琴古斲孫枝。篆鼎飄香遠，茶甌轉味遲。自慚塵土累，清話得屏山全集。

卷十六 五

秋柯草堂藏書

移時

次韻林吉甫遊天宮

聞說星郎隱翠峰，鷓鴣回首大明宮。倦游壯歲拋朝紱，歸夢清江憶釣筒。賢聖相期黃卷裏，是非都付濁醪中。更聞蓮社多幽侶，我欲時來問苦空。

莫田

打麥蓬蓬響，莫田兒童拾穗吟。爭先市頭米價新，來減一醉瓷甌五六錢。

石磨

盤石輪囷隱澗幽烟籠月照幾經秋可憐琢作團
團磨終日隨人轉不休

寒澗

林間幽鳥啄枯槎落盡寒潮一澗沙獨木橋西游
子宿酒旗斜日兩三家

秋望

輝輝江日已沉西隱約餘紅泛渺瀰却上松岡望
秋色偶逢僧話立多時

兩山

屏山全集

卷十六

六

秋柯堂

藏書

渡南渡北兩山遙隔岸行人手可招日暮海門烟
雨黑一川舟楫趁歸潮

游儵

禹鑿天門浪渺茫游儵也解化龍翔風雲得路誇
頭角歲旱爭尋窟穴藏

和徐從道韻二首

高軒遙肯顧掃室慣逢迎酒喜頻中聖官慚四至
卿憂時論曲突感物詠長檠古道難開口微君孰

與明

拂袖歸來日柴門稚子迎貧甘守藜藿名不愧公
卿寶劍空藏匣良昭惜解繁中興誰草詔君盍在
承明

蔡子強挽章

擢秀詞林少也奇星軺榮耀更分麾世傳清德名
方盛生不長年理可疑蘇晉逃禪心淡泊孔融好
客酒淋漓眼者玉樹埋塵土零落文遊我獨悲

聞笛

倚樓何處笛飛響徹雲霄曲怨吹難盡風回聽忽

屏山全集

卷十六

七

秋柯草 正藏書

遙戍兵臨絕漠閨婦起寒宵一弄梅飛雪華年鬢
亦凋

投壺

暇日賓朋集投壺雅戲同傍觀驚妙手一失廢前
功禮盛周垂憲詞夸晉起戎區區論勝負轉眼事
還空

思賢堂懷薛令

創始何人在空堂草棘侵衝門狐竄急六柱蠹藏
深羽化王喬烏塵昏子賤琴獨嗟民困甚誰繼昔

賢心

燒

惹草熒熒焰隨風烈烈聲欲臨橫澗斷忽上晚峰
明蹠蹠無潛迹蒙茸有怒生尚餘飛燼煖培耔及
春耕

潮

江晚潮風應蕭蕭百里秋寒聲初戰峽怒力暗移
洲卷一作岸舟航盡涵空日月浮吳兒輕逐利亡
命雪山頭

屏山全集

卷十六

八

秋柯草堂藏書

洛陽橋

跨海飛梁疊石成曉風十里度瑤瓊雄如建業虎
城峙勢若常山蛇陳橫脚底波濤時洶湧望中烟
嶼晚分明往來利涉歌遺愛誰復題橋繼長卿

途中

小市猶依海橫橋欲跨汀雨餘榕徑冷春晚芋田
青薄宦低豪氣浮生惜壯齡急流歸亦好憂患飽
曾經

次張守韻四首

久分閩郡竹屢賜漢庭金才刃翻新發恩波海並
深寇銷乘間禍民有不欺心祇恐鋒車起雲霄路
莫尋

促席山堂夜寒燈吐碎金酒分鄰甕美粟爆地爐
深踈懶難堪事紛華易壞心自憐貪寸祿雙鬢老
侵尋

瓦白霜封縞波清月漾金柝沈秋壘靜人語夜堂
深故國歸何日寒衾事滿心庭松憐手值擢幹已
彌尋

屏山全集

卷十六 九

秋柯草堂藏書

泣懷三獻玉廉拒四知金勢利焚和猛詩書汲古
深貴無長得意閑有自由心岫屨丹沙在盟寒儻
可尋

同李漢老登高齋

飛梯百級轉層巒政喜登臨着眼寬海上波濤連
閩苑日邊塵土暗長安亂來世事終無定春盡羈
愁豈一端賴有謫仙能喜客時陪杖履得雄觀

過舟峯菴

杖策到舟峰開軒對綠叢禪心清似水客鬢亂如

蓬鼓角譙門日鷺花上已風逢人相借問何地隱
龐翁

悼李奉

選拔由親衛時危遠出征氣驍嘗忽敵身沒始知名
故妾辭空帳殘兵隸別營傷心豺虎窟冒險爾
何輕

聞韓侯至

今代淮陰將宣威瘴海東夜營兵氣黑寒磧戰聲
雄有寇常親討無官可賞功屹然沈鷲貌識汝未
屏山全集

卷十六

十

秋柯草堂藏書
同草堂藏書

侯中

次韻張守梅詩

破雪梅初動南枝更北枝傍墻應折盡背日較開
遲曉覺驚殘夢春愁占兩眉狂風將落蕊故入畫
樓吹

次韻陳成季郡會

疾雨狂風恨若何芳晨坐覺等閑過惜花意欲春
長在對酒年來飲不多雅會欣聞珠履集新詞好
付雪兒歌風流閣老推前輩喜客溫顏似醉它

古松

手值知何代，縱縱萬蓋齊。
韻清琴易寫，幹直鳥難栖。
慘淡連雲塢，鬢髻蔭石谿。
剝明雖小用，曾照路人迷。

出郊

路轉囊山北，扶輿憶舊過。
乾坤征戰久，遊宦別離多。
瘴樹餘紅葉，春江又綠波。
平生豪橫氣，未老半消磨。

偶書

屏山全集

卷十六 十一

秋柯草堂藏書

風急胡塵暗，九州岸巾長。
嘯一登樓故園，卻憶桐孫在。
薄宦端為荔子留，胡海以南兵尚鬥。
犬戎不死禍難休，似聞推轂皆飛將。
盍有清談謝傅流。

送惠州使君范智聞

喜聽清談蒲座傾，不堪行色動雙旌。
長亭把酒分攜易，暮角摧人太瘦生。
地遠守臣知妙選，時危壯士恥南征。
羅浮說與潮陽近，盍擬離騷弔二英。

柳

體為常輕定，復飄間梅遮。
杏得春饒別離處，處添

愁色風雨年年換舊條拂瓦半枯陶令宅
泐溪不斷灞陵橋淒涼又見千門綠野老
當時恨未銷

鹿鳴燕詩送諸進士

講執欣聞輟息兵槐花秋晚詔群英胡塵不隔蟾
宮路鏡水初題鴈塔名禮盛邦侯開宴豆道隆鄉
老萃簪纓更期妙手皆穿的薦士吳僚亦與榮

至日

客中雙鬢老塵埃海角仍逢至日來近臘風光初
染荔新陽氣力僅浮灰豆糜厭勝憐荆俗雲物書
屏山全集

卷十六 十二

秋柯草堂藏書

祥憶魯臺搔首故園心欲斷少陵賴有掌中杯

曲倚

器成因揉木偃月勢相侔適用形雖巧論材性本
柔倦凭觀秘籙趺坐接禪沉莫效愚溪戮時多曲
似鈎

宵長

宵長慵早寐念念客愁新燈影明高屋蛩聲動四
鄰滿懷平日事雙鬢倦遊身避地從漂轉西風羽
檄頻

試弓

結束擬從戎，秋堂試寶弓。
角寒開拒手，弦勁響流空。
巧習穿楊技，神誇飲羽功。
挽強吾有待，狐兔莫爭雄。

次韻張守梅詩

草棘蕭蕭野岬隈，暗香消息已傳梅。
雪欺籬落遙難認，暖入枝條併欲開。
愁向天涯今度見，老隨春色暗中來。
似聞詩社多何遜，盍試招邀共一杯。

次韻張守立春

屏山全集

卷十六 十三

秋柯草堂藏書

把酒酬佳節，遨頭樂未央。
池冰猶澁舫，柳已籠墻。
曉院簾幃卷，春盤餅餌香。
慙分彩勝為，掩鬢邊霜。

九日登北山

戲馬英雄安在哉，閒因九日上崔嵬。
步窮巖壑身忘倦，望盡乾坤意始開。
已向晚風吹落帽，可無新菊共浮杯。
佳時及早須行樂，老境侵人咄咄來。

荔子

挺秀窮荒嘆未遭，昔賢吟賞著風騷。
縱班盧橘材

非偶不近長安價愈高
烟雨萬株送若畫塵埃
一騎笑徒勞
瑀盤此日無遺選
品格妍媸敢自逃

龍眼

幽林旁挺綠婆娑
啄啣雖微奈美何
香割蜜脾知韻勝
價輕魚目為生多
左思賦詠名初出
玉局掄揚論豈頗
地極海南秋更暑
登盤猶足洗沈疴

次韻張守齋醪二首

榮華休羨黑頭公
且對芳辰賞麗叢
十萬青條寒掛雨
三千粉面笑臨風
莫將擬雪才情賦
盍與觀

屏山全集

卷十六 十四

秋柯草堂藏書

梅興味同只恐春歸有遺恨
典猶在濁醪中作

刺束霜鞋懸蠟甕
口香薰滿濁醪中

退食黃堂喜自公
不妨幽興屬芳叢
雙旌不出閒春晝
大筆微吟綴祖風
老矣交朋今日少
飄然游宦異鄉同
杖藜約我過南浦
賢聖時時為一中

荔子

炎蒸午枕夢滄浪
落落星苞喜乍嘗
筆下丹青千品色
釵頭風露一枝香
雞冠借諭何輕許
馬乳爭名固不量
直待當時妃子笑
驪山千古事淒涼

荔枝

譜有敘
頭經

次施子韻

之子才非碌碌流一官將母海濱遊妙齡意氣看
長劍又客風霜嘆敝裘完璧有懷空慕藺著鞭它
日定先劉岫窓故隱今何在草棘連雲淮楚秋

次韻張守秋懷四首

杖藜乘興出佳處每關情白石溪流淺黃花籬落
清林烟經雨薄野日傍山明賴有杯中物愁懷得
暫平

屏山全集

卷十六

十五

秋柯草堂藏書
秋柯草堂藏書

徙倚山堂晚悲秋萬古情雨蔬猶擢秀風沼自揚
清野迴歸牛小沙寒白鳥明淒淒楓柳樹汝意亦
難平

失計縈塵網栖厭不情興隨鳧鳥遠官比綺曹
清大案韋編古深房紙瓦明聖賢聊晤對事業只
平平

歲事何倉卒微吟寄客情野耕方刈熟鄰釀已沽
清歸鴈年年急寒峰處處明子衰俛流轉夢想玉
階平

屏山全集卷第十六終

屏山全集

卷十六

十六

李文鴻

儀書



秋柯草堂藏書

林同草堂藏書

秋柯草堂藏書

